

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) 2017/2273****2018/EES/33/42**

frá 8. desember 2017

**um breytingu á reglugerð (EB) nr. 889/2008 um ítarlegar reglur um framkvæmd reglugerðar ráðsins (EB) nr. 834/2007 um lífræna framleiðslu og merkingu lífrænna vara að því er varðar lífræna framleiðslu, merkingar og eftirlit (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og til niðurfellingar á reglugerð (EBE) nr. 2092/91 <sup>(1)</sup>, einkum 1. mgr. 22. gr.,*og að teknu tilliti til eftirfarandi:*

- 1) Ákvæði 42. gr. reglugerðar framkvæmdastjórnarinnar (EB) nr. 889/2008 <sup>(2)</sup>, eins og henni var breytt með framkvæmdarreglugerð framkvæmdastjórnarinnar (ESB) nr. 836/2014 <sup>(3)</sup>, heimila í sérstökum undantekningartilvikum fram til 31. desember 2017, við ákveðin skilyrði og ef lífrænt aldar unghænur standa ekki til boða, að flytja megi ólífrænt aldar unghænur til eggjaframleiðslu, sem eru ekki eldri en 18 vikna, inn í lífræna framleiðslueiningu.
- 2) Framleiðsla á lífrænt öldum unghænum til eggjaframleiðslu hefur ekki verið af nægum gæðum eða í nægu magni á markaði Sambandsins til að uppfylla þarfir bænda með varphænur. Í því skyni að gefa meiri tíma til að þróa framleiðslu á lífrænt öldum unghænum til eggjaframleiðslu ætti að framlengja gildistíma reglna um framleiðslu í sérstökum undantekningartilvikum að því er varðar að nota ólífrænt aldar unghænur til eggjaframleiðslu, sem eru ekki eldri en 18 vikna, til 31. desember 2018.
- 3) Ákvæði 43. gr. reglugerðar (EB) nr. 889/2008, eins og henni var breytt með framkvæmdarreglugerð (ESB) nr. 836/2014, heimila í sérstökum undantekningartilvikum, fyrir almanaksárin 2015, 2016 og 2017, notkun á ólífrænu prótínfóðri fyrir svín og alifugla sem nemur að hámarki 5%.
- 4) Framboð á lífrænt ræktuðu prótíni í nægilegu magni og gæðum á markaði Sambandsins hefur ekki verið nægilegt til að uppfylla næringarþarfir svína og alifugla sem eru alin á lífrænum býlum. Framleiðslan á lífrænt ræktuðum prótínjurtum annar ennþá ekki eftirspurn. Því er rétt að framlengja tímabil undantekningarmöguleika, sem felst í notkun á takmörkuðu hlutfalli af ólífrænu prótínfóðri, til 31. desember 2018.
- 5) Því ætti að breyta reglugerð (EB) nr. 889/2008 til samræmis við það.
- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar um lífræna framleiðslu.

SAMÞYKKT REGLUGERÐ ÞESSA:

*1. gr.*

Reglugerð (EB) nr. 889/2008 er breytt sem hér segir:

- 1) Í stað „31. desember 2017“ í b-lið 42. gr. komi dagsetningin „31. desember 2018“.
- 2) Í stað annarrar undirgreinar 43. gr. komi eftirfarandi:

„Mesta leyfilega hlutfall af ólífrænu prótínfóðri á hverju 12 mánaða tímabili fyrir þessar tegundir skal vera 5% fyrir almanaksárið 2018.“

(\*) Þessi ESB-gerð birtist í Stjttíð. ESB L 326, 9.12.2017, bls. 42. Hennar var getið í ákvörðun sameiginlegu EES-nefndarinnar nr. 84/2018 frá 27. apríl 2018 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(<sup>1</sup>) Stjttíð. ESB L 189, 20.7.2007, bls. 1.

(<sup>2</sup>) Reglugerð framkvæmdastjórnarinnar (EB) nr. 889/2008 frá 5. september 2008 um ítarlegar reglur um framkvæmd reglugerðar ráðsins (EB) nr. 834/2007 um lífræna framleiðslu og merkingu lífrænna vara að því er varðar lífræna framleiðslu, merkingar og eftirlit (Stjttíð. ESB L 250, 18.9.2008, bls. 1).

(<sup>3</sup>) Framkvæmdarreglugerð framkvæmdastjórnarinnar (ESB) nr. 836/2014 frá 31. júlí 2014 um breytingu á reglugerð (EB) nr. 889/2008 um ítarlegar reglur um framkvæmd reglugerðar ráðsins (EB) nr. 834/2007 um lífræna framleiðslu og merkingu lífrænna vara að því er varðar lífræna framleiðslu, merkingar og eftirlit (Stjttíð. ESB L 230 1.8.2014, bls. 10).

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2018.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. desember 2017.

*Fyrir hönd framkvæmdastjórnarinnar,*

Jean-Claude JUNCKER

*forseti.*

---